



"Ustanite da vam klanjam (predvodeći vas u namazu)."

Enes b. Malik, radijallahu anhu, kazao je: "Moja nena Mulejka pozvala je Allahovog Poslanika na jelo koje je pripremila. Pošto je jeo, Poslanik reče: 'Ustanite da vam klanjam (predvodeći vas u namazu).' Ustao sam ka našoj hasuri, koja je pocrnjela od česte upotrebe, i poprskao je vodom. Allahov Poslanik je stao na nju, neko siročić i ja smo stali u saf iza njega, a starica je stala iza nas. Klanjao je s nama dva rekata, a potom otišao." U verziji koju je zabilježio Muslim stoji: "Poslanik, sallallahu alejhi ve sellem, klanjao je sa mnom i sa mojom majkom, pa je njega postavio na svoju desnu stranu, a ženu je postavio iza nas."

[Vjerodostojan] [Hadis bilježi imam Muslim - Muttefekun alejh]

Mulejka, radijallahu anha, pozvala je Allahovog Poslanika, sallallahu alejhi ve sellem, na gozbu koju je spremila. Allah Uzvišeni je Poslaniku, sallallahu alejhi ve sellem, dao najveći stepen morala, u šta se ubraja i to da je bio skroman i ponizan, pa se, i pored velikog stepena i položaja koji je imao, odazivao na poziv i velikog i malog, i žene i muškarca, i bogataša i siromaha, želeći pri tome da ostvari uzvišene ciljeve, kao što su pružanje utjehe slomljenom srcu, poniznost spram siromaha, podučavanje neznanica i tako dalje. On se odazvao na poziv ove žene, jeo hranu koju je spremila, a zatim je iskoristio priliku da pouči ove slabašne robove, koji možda nemaju priliku da, zajedno sa utjecajcima, budu u njegovom blagoslovljenom društvu. On ih je pozvao da zajedno klanjaju s ciljem da ih pouči načinu obavljanja namaza. Enes je tada donio staru crnu hasuru koja je postala crna zbog duge i česte upotrebe, pa ju je oprao vodom. Potom je Poslanik, sallallahu alejhi ve sellem, stao da ih predvodi u namazu. Enesa i s njim jedno siročić postavio je u jedan saf iza sebe, a starica (koja je pozvala na gozbu), stala je iza Enesa i siročeta kao bi s njima klanjala. On im je klanjao dva rekata, a zatim je otišao, nakon što se odazvao na poziv i nakon što ih je poučio. Allah nama je ukazao počast omogućivši nam da ga slijedimo u njegovim postupcima i ponašanju!

النجاة الخيرية
ALNAJAT CHARITY

